



先秦 — 清末民初

中國野史集成·續編編委會
四川大學圖書館 編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編
15

巴蜀書社·中國·成都

目 錄 (第十五冊)

昭代武功編	一
今 言	二五五
皇明繩武編擬續大學衍義	三五六
壬午功臣爵賞錄·壬午功賞別錄	六七六
鴻猷錄	六八五

昭代武功編

昭代武功編序

嘗讀詩至車攻嘗武諸
什而知古今韜鈴家言
可悉廢也觀夫大成君
子之詠王猶允塞之稱
其所以赫濯聲靈聿觀
厥成固有原本寧在赤
日白月間求哉易之言
曰師貞能以衆正曰師
出以律知容民畜衆之

義則舍內治而言攘外
弛文教而修武功亦何
異適燕而南其轅問渡
而謀之轂也前代之言
武功者必稱漢武唐宗

昭代武功續序

二

狀而庭空漠北貽悔輪
臺諫拂征東哭殘遼水
要吟矜一將之任則有
餘數舜干之勲則未至
矣惟我

高皇帝迅掃龍荒手闢函夏

自堯以下振古無兩

文皇帝繼之蕩征絕地千古

華夷之防凜焉再植其

所以解倒懸而出水火

昭代武功續序

三

者寧直我武維烈也哉

列聖續承益弘令緒雖有小

醜旋即蕩平所謂正一

統之圖雪百王之耻者

惟昭代有之良繇立國

之初規模弘遠深仁厚
澤洽於民心雖其出奇
制勝動獲萬全者師武
臣力爲多然而

天授雄略

昭代武功編 序

四

聖武孔揚知人善任師濟
同心實有以致之其時
疆吏無毫尾跋胡之虞
廟堂無舍謀左右之畫故
能如雲如雨克咸厥功

蓋必勝之勢嘗在
中朝疆吏不過受成算以
告成事焉耳夫

祖宗之朝固無日不用兵也

盜賊夷狄之禍亦未有

昭代武功編 序

五

減於今也注意將相羅
而致之者不加多取藉
兵精額而收之者非加
盛雖有蠢動民不知兵
者抑又何哉劉安曰凡

用兵者必先廟戰廟戰
勝斯塞戰勝豈區區遣
將調兵之已事遂足建
功集事削平居圉也乎
方今

昭代武功編 序

六

聖明在御銳意太平克廣
德心庶幾在位方將矢
其文德洽此四國寧獨
武功之爲兢兢然而逆
奴一小醜蹂躪九塞萑

苻猱猶尚緩天誅撫今
思昔如詩所載有聞無
聲爾猶式固之義宜三
致意矣寓內猶席最勝
之遺挾全盛之勢而疆

昭代武功編 序

七

吏惴惴救罪不皇如置
奕基茫無定着非從廟
算籌畫挈領振裘大爲
震疊不可得也何也人
心畏罪之餘趨功之意

淺文法日煩則驚於詭
飾議論太雜則習於彌
縫夫惟

廟堂之上乃心力資之
以謀定之以斷震之以

昭代武功編 序

八

氣推之以誠推轂務通
於衆志刑賞不逾於湏
臾而膚功不奏者未之
前聞也

祖宗之成法具在戎馬勞臣

磨盾之餘因取武功最
著者撮其大端錄之於
篇匪徒觀光揚烈宣昭
無競之鴻庥亦使後之
攬者實惟爾公允師云

昭代武功編 序

九


爾

崇禎戊寅歲

南京兵部尚書奉

勅叅贊機務吳橋范景文

謹序



是書於光緒丙戌秋九月外舅邱湘筠先
生手贈讀未終卷而先生已云道山遐逝
有遺言於不淑也
枯仙誌
此代武功編序

昭代武功編目錄

卷之一

親征

高皇帝削平僞漢

文皇帝三犁虜庭

章皇帝親征漢庶人

章皇帝親征兀良哈

卷之二

昭代武功編 目錄

勲績

高皇帝

諸將定東南

徐中山常開平削平僞吳

朱永嘉湯東甌削平方谷珍

湯東甌廖德慶削平陳友定

楊管陽朱永嘉定嶺南

卷之三



高皇帝

徐中山常開平伐中原

徐中山克元都

李歧陽等分略河東

徐中山定關隴

傅穎川削平明玉珍

徐中山李歧陽北征沙漠

沐黔寧藍永昌廓清滇南

昭代武功編 目錄

卷之四

永樂

張忠烈沐敬忠平定交趾

蔣廷瓚勘平貴州

衛青平唐賽兒

正統

王忠毅麓川之役

張中丞平福寇

張中丞平坑賊

董海寧討平黃蕭養

卷之五

成化

韓襄毅平廣蠻

項襄毅馬端肅征五堡

白恭敏開設鄖陽

馬端肅撫安東夷

昭代武功編

目錄

三

余肅敏築邊牆

孔中丞擒阿溪

卷之六

正德

仇咸寧定安化

陳中丞平江以西寇

鄒莊簡勦除清平苗

陸司馬平河北響馬賊

林端敏彭襄毅勦蜀盜

王文成再平江以西寇

王文成計平寧庶人

卷之七

嘉靖

姚中丞誅岑猛

王文成蔡司馬再平蠻寇

張襄惠平湖貴諸苗

昭代武功編

目錄

四

毛司馬定安南

胡襄懋平倭寇

卷之八

萬曆

李寧遠破土蠻

李寧遠征建州王杲

張司馬定浙二亂

卷之九

萬曆

葉督撫征哱承恩

邢司馬征平秀吉上

卷之十

萬曆

邢司馬征平秀吉下

李司馬征楊應龍

昭代武功編 目錄

五

昭代武功編目錄 終

昭代武功編目錄

卷之一

親征

高皇帝削平偽漢

文皇帝三犁虜庭

章皇帝親征漢庶人

章皇帝親征兀良哈

昭代武功編 目錄

卷一

昭代武功編卷之一

吳橋范景文夢章纂

周總
臣

親征

高皇帝削平偽漢

陳友諒本姓謝，先世爲漁家，贅於陳，冒姓陳氏，湖廣沔陽人也。少爲縣吏，不樂其職，會中原兵起，徐壽輝與倪文俊等以元至正辛卯攻陷蘄水、黃州等處，僭稱皇帝，國號天完，改

昭代武功編

削平偽漢

卷一

元治平未幾，陷漢陽，興國、武昌，又遣趙普勝、趙普文、項普略、黨仲達分兵陷九江、吉安、池州、杭州、荊州、岳州等郡。元兵累討之不克，衆號百萬。陳友諒往從文俊麾下爲簿書掾，尋領兵爲元帥。後壽輝爲元兵所敗走，倪文俊迎壽輝居之漢陽。文俊漸專恣，友諒意不能平。丁酉秋，文俊謀弑壽輝不果，奔黃州。友諒遂襲殺文俊，併其軍，自稱平章。壽輝不能制。

丁酉十月，上駐師金陵二年矣，已略定江

東諸郡，又取揚州，乃命常遇春率廖永安、吳禎等，繇銅陵進取池州。又命李文忠領兵策應之，師抵城下，攻破其北門入城，斬壽輝將洪元帥，又執其黨魏壽徐天雄等。何友諒聞池州破，以戰艦百餘艘來逆戰，遇春等奮擊大敗之，遂以趙忠守池州。戊戌春正月，友諒陷元安慶，元守臣余闕歿之。夏四月，友諒

昭代武功編

削平偽漢

卷一

又陷元江西隆興及瑞州，未幾遣其黨趙普勝自樅陽寇我池州。太平守將劉友仁聞之，率兵赴援，遇賊與戰敗沒。五月，友諒遣其黨康泰、趙琮、鄧克明等陷元邵武，又自南昌遣兵陷元撫州。八月，又陷元贛州。十一月，陷元汀州。己亥三月，友諒遣其黨趙普勝寇我寧國之太平縣，總制胡惟賢命程允、汪炳等擊敗之，獲其糧萬餘斛。普勝寇青陽、石埭等縣。

僉院張德勝禦於柵江外，破走之。友諒又陷元襄陽郡。八月，上遣徐達率張德勝等攻安慶，自無爲登陸，至浮山砦，擊敗友諒部將胡總管兵，追至潛山界沙河，遇友諒僞叅政郭泰，領兵逆戰，達等擊敗之，斬郭泰，大獲輜重，遂克潛山。九月，上命院僉俞廷玉率兵同攻安慶，不克。廷玉敗沒。十月，俞通海破友諒將趙普勝於安慶。十二月，徐壽輝以友諒

昭代武功編

削平僞漢

卷二

三

破隆興，欲徙都。友諒忌其來，不利於已，沮之。壽輝不聽，引兵發漢陽，南下江州。友諒佯出迎，伏兵城內，候壽輝入，卽閉城門，伏發盡殺其左右將士，居壽輝江州。友諒自稱漢王，置官屬，征伐誅賞，皆不稟壽輝節制。庚子夏五月，友諒帥師東下，聲言援安慶，常遇春策其必犯池州，先伏兵九華山待之。友諒果自率衆猝至，伏兵大敗之，俘斬二萬餘級，擒二千

餘人。閏五月，友諒率舟師寇太平，圍其城，守將花雲率麾下三千人迎戰。三日，友諒不得入，乃以巨舟乘漲泊城西南隅，舟尾高與城平，令士卒緣之上。時城中乏食，士億甚不能戰，城遂陷。雲與知府許瑗皆歿之。友諒既陷太平，忌其將趙普勝強盛，誘殺之，令別將守安慶。友諒寇太平時，挾壽輝行，既得太平，亟謀僭位號，乃於采石舟中，使人白事壽輝。

昭代武功編

削平僞漢

卷一

四

前令壯士持鋌撾從後擊之，碎其首，以暴疾歿。令軍中遂以采石五通廟爲行殿，稱皇帝。國號漢，建元大義。值大雨，羣臣立江岬艸次成禮，殊無儀節。以鄒普勝爲太師，張必先爲丞相，餘各拜官有差。乃率衆還江州。友諒既僭大號，遣使約張士誠同人寇，自江州引兵東下金陵。大震獻計者或謀以城降，或謂鍾山有王氣，欲奔據之，或欲決一戰，戰不勝。

勝著在此

已主伏兵議

卽走未晚。上心非諸將議。劉基獨張目不言。上召基入內問計。基對曰。先斬主降。及奔鍾山者。乃可破賊。上曰。先生計將安出。基曰。天道後舉者勝。吾以逸待勞。何患不克。莫若傾府庫。開至誠。以固士心。伏兵伺隙。擊之。取威制勝。以成王業。在此舉也。上意益決。或謀先復太平。以牽制賊勢。上曰。不可。太平吾所親築。城濠塹深固。賊前乘漲。以舟泊乘城。乃爲所陷。今往攻之。猝難拔。賊舟師十倍於我。我頓兵堅城之下。進不能取。退不及援。失所據矣。或又勸。上自將禦之。上曰。亦不可。彼知我出。以偏師綴我。我欲與戰。彼不交鋒。而以舟師順流下建康。半日可達。吾步騎亟回。百里趨戰。兵法所忌。皆非良策也。於是遣胡大海。以兵直搗廣信。制其後。而召指揮康茂才。謂之曰。吾有事。命汝能之乎。

茂才曰。惟所命。上曰。汝與友諒舊知。今友諒入寇。吾欲速其來。非汝不可。汝今作書。遣使給友諒。僞降。約爲內應。招之速來。給告以虛實。使分兵三道。以弱其勢。茂才曰。諾。家有老閹。舊嘗事友諒。遣令齎書往。必信。來無疑。上以其謀語李善長。善長曰。方憂寇來。何爲誘致之。上曰。遲則二虜謀合。爲害益大。何以支。今先破此虜。則東寇膽落矣。善長曰。昭代武功編。削平僞漢。卷一。六。善茂才遂令閹者乘小舸。徑至友諒軍。友諒得書甚喜。問曰。康公今何在。閹者曰。見守江東橋。問橋何如。曰。木橋。乃與酒食遣還。謂曰。歸語康公。吾至。則呼老康爲驗。閹者諾。歸具以告。上曰。此虜入吾彀中矣。乃命善長亟撤江東橋。易以鍊石。比且橋成。有自友諒軍中逃歸者。言友諒問新河口路。上亟命趙德勝跨新河。築虎口城。守之。命常遇春馮勝

華高等率帳前五翼軍三萬人伏石灰山側。命徐達等陳兵南門外。楊璟駐兵大勝港。張德勝、朱虎率舟師出龍江關外。上親總大軍於盧龍山。令偃黃幟於山之左。偃赤幟於山之右。令曰：寇至則舉赤幟。俟舉黃幟則伏兵皆起。各嚴師以待。至日友諒率舟師東下。至大勝港。楊璟整兵禦之。港狹僅容三舟入。友諒以舟不得并進。遽引退出大江。徑衝江

昭代武功編

削平僞漢

卷一

東橋見橋皆大石。非木橋。乃驚疑呼老康。又無應者。悟茂才使謬。卽與其弟號五王者率舟師趣龍江。先遣萬人登岸。立柵勢甚銳。時酷暑。上衣紫茸甲。督兵見士卒揮汗。赤日中命去蓋。衆欲戰。上曰：天且雨。諸軍就食畢。乘雨擊之。衆仰視天無片雲。未信。忽風起西北。須臾大雨如注。赤幟舉。上下令拔柵。諸軍競前拔柵。友諒麾其衆來爭。戰方

合。雨止。上命發金鼓。鼓大震。乃令黃幟舉。常遇春等伏兵起。徐達兵亦至。張德勝、朱虎舟師并集。內外合擊。友諒大敗。僅以身免。衆潰趨舟。值潮退。舟膠淺。殺溺死者無算。生擒七千餘人。獲其將張志雄、梁鉉、俞國興等。皆降。收得巨艦百餘艘。舳數百。友諒乘別舳脫走。於所乘舟中得茂才書。上笑曰：彼愚至此。可嗤也。令諸將追擊友諒。至慈湖。縱火焚

昭代武功編

削平僞漢

卷一

其舟。賊衆大潰。復追至采石。大戰。廖永忠率所部大呼陷陣入。華雲龍躍馬擣其中堅。有王銘者獨馳入其陣。賊攢槊刺之。傷額。戰益力。流血淋漓。旋回三匝。獨所殺傷過當。賊大敗。張德勝戰歿。周顯與賊戰於觀渡橋。亦敗。之。獲其將士十三人。諸軍乘勝追擊。賊守太平者無固志。遂復太平。張志雄言友諒東下。併安慶兵來。今俱敗。安慶無守禦者。上卽

命徐達將兵追之，遂復安慶。以趙伯仲守之，前所追胡大海、壽廣信兵至霧溪，亦敗其衆。遂督兵攻信州，賊守者不能支，衆大潰，克其城。改信州爲廣信府。以胡大海子德濟爲樞密同簽守之。以何友諒遣其將張定邊復攻陷安慶。趙伯仲棄城走龍江。上曰：主將不能堅守，城陷遠遁，宜誅之。常遇春等力救。

上不從，曰：軍法不嚴，何以勵後？遂賜弓絃，令

昭代武功編

削平僞漢

卷一

自縊，而擢用其子弟。辛卯三月，友諒遣其將李明道寇信州，據艸平鎮。以遏浙東援兵。德濟遣夏德潤出兵奪其墩，戰歿。賊又保玉山。胡大海部將繆美聞之來援，與賊戰於東津橋，遂復玉山。抵信州，絕明道歸路。六月，明道圍廣信急。德濟遣使求援於父大海。大海率師繇霧溪進。李文忠亦遣兵援之。德濟聞援兵至，引兵出城，與大海夾擊，明道大破之，擒

明道及其宣慰王漢二，并士卒千餘人，大獲其戰馬器械。大海送明道、漢二於文忠。文忠令漢二招友諒、建昌守將王溥、溥、漢二兄弟也，遂歸附。乃俱送建康。上命三人仍舊官。後征江州、南昌，用爲嚮導。八月，上怒友諒悖逆，決計伐之。謂諸將曰：友諒弑主僭號，犯我近疆，殞我名將，又誘殺張普勝，將士離心，觀其所爲，不滅不止。爾等勵士卒，以從徐達。

昭代武功編

削平僞漢

卷一

曰：師直爲壯。今我直彼曲，何患不克？上乃親督諸將，率舟師乘風遡流而上，直抵安慶。命馮勝、俞通海、趙德勝、張志雄等搗其水寨，破之。攻城自旦至暮，不拔。劉基請棄安慶，去徑拔江州，傾其巢穴。上從之。遂襲師西上，長驅過小孤。友諒將丁普即迎降。師距江州五里，友諒始知之，以爲神兵自天而下，倉猝不能禦。挈妻子夜奔武昌。友諒將傅友德亦